

日本外史

二

外書類

史傳類

二二〇号

史傳載紀
九

二	三	六	二	和
二	二	二	一	書
册	架	函	八	門
			號	類

四	三	和
〇	二	書
函	二	
七	八	
架	號	類

内閣文庫	
番號	和 23118
冊數	22 (2)
函號	140 116




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



源氏正記

日本外史卷之二

源氏正記

源氏上

源氏出自清和天皇。天皇宮人王氏生貞純親王。叙四品。任兵部卿。稱桃園親王。親王二子。曰經基。曰經生。皆賜姓源氏。經基有武幹。善騎射。以親王為帝第六子。世呼經基曰六孫王。天慶中。為武藏介。平將門之反。間行入奏之。因拜從五位下。從藤原忠文。伐將門。又從小野好古。伐賊黨藤原純友。

終叙正四位下。任鎮守府將軍。子孫世爲武臣。其旗用白。有八子。長滿仲。生于攝津多田。襲父職位。得關東士心。冷泉帝安和二年。中務少輔橘繁延。前相摸介藤原千晴等。密謀挾爲平親王。奔關東。爲亂。滿仲與焉。已而滿仲與繁延有隙。遂自首。以攝政藤原實賴旨。與弟滿季。捕繁延。千晴流之。當是時。京師騷擾。如天慶之亂云。滿仲嘗謂武臣衛天子。不可無利刀。乃召筑前良冶某。鍛鍊六旬。得二刀。曰截鬚。曰膝圓。傳之子孫。滿仲官至左馬頭。

及卒。贈從三位。四子賴光。賴親。源賢。賴信。源賢爲僧。賴親坐與興福寺僧鬪。處流。子孫居大和。稱大和源氏。賴光材武有名。爲東宮大進。永延中。攝政藤原兼家造新第。落之。賴光遺馬三十匹。以分賓客。兼家子道隆襲攝政。其弟右大將道兼與之爭權。賴信素事道兼。謂賴光曰。吾力能刺道隆。使我主代之。賴光掩其口曰。毋妄言。事敗。肝腦塗地。汝主亦豈可晏然止哉。賴信乃止。賴光有三子。長賴國。子孫世居多田。稱攝津源氏。賴信尤勇敢。善用

兵長元中爲甲斐守。會上總介平忠常作亂。朝廷令上野介平直方將東海東山兵討之。三歲不能平也。乃以賴信爲常陸介伐之。賴信聞命卽往。人勸其待兵集而進。弗聽。遂率子賴義等進赴鹿島。忠常奪舟列柵海岸。不可濟。賴信計示弱怠之。使請和。忠常不肯。於是聚衆議戰。衆謂其無舟筏。宜循海赴攻。賴信曰。不可。賊恃險。吾直渡。攻其不備。可一戰下也。聞有淺處可騎渡。軍中豈有知之者乎。有高文者。自稱知之。馳入海。行立葦爲表。賴

信麾軍從之。忠常驚怖出降。斬之。効首京師。以功叙從四位上。任上野常陸介。賴信謝曰。臣藉天威。得不血刃而降強賊。何功之有。臣老矣。不堪遠任。願得改守丹波。非所敢望也。不許。子賴義沈斷有武略。爲小一條院判官代。每從獵。善用弱弓。殪猛獸。平直方奇其材藝。以女妻之。旣而賴義夢八幡神賜劍。其妻有妊生子。賴義喜曰。此兒必興我家。因名曰義家。及長冠于八幡祠前。稱八幡太郎。爲人英果。善射。每有征行。未嘗不從。賴義爲相摸守。

州俗好武。賴義義家。撫以恩威。豪傑爭服。樂爲之用。當是時。陸奧豪族安倍賴時。并諸部落。爲六郡酋長。國守與秋田城介。合兵伐之。賴時逆擊。大敗之。白河關以北。傳海盡叛附焉。朝議以賴義爲陸奧守。與義家及次子義綱。率兵赴伐。會大赦。賴時解兵而降。臣事賴義。賴義遂兼鎮守府將軍。永承七年。任滿將還。入府視事。賴時厚犒其軍。旣罷歸國。府宿于阿栗川。有人夜襲藤原光貞營。初賴時長子貞任。請婚於光貞。不聽。以故報之也。於是賴義

欲執貞任。賴時乃舉兵反。據衣川關。賴義奏請再任。發兵伐之。賴時壻藤原經清。平永衡來屬官軍。或告永衡與虜有私。賴義捕永衡斬之。經清亦不自安。遁歸於賴時。賴時族富忠。勇而有衆。賴義以勅旨諭應官軍。賴時亦親往說之。賴義令富忠伏兵要擊。獲賴時。誅之。而貞任軍猶張。貞任魁傑。善用兵。官軍數不利。屬歲比飢。糧食不給。天喜五年。賴義奏請徵兵食。其十一月。自將兵千八百。擊貞任于河碕。會大風雪。人馬凍飢。貞任以選兵四千。

戰于鳥海。縱左右翼。大敗我軍。我軍所餘僅六騎。虜急圍之。矢下如雨。賴義義家皆傷馬。從騎下而授之。義家與藤原範明等。縱橫奮擊。虜兵相警曰。八幡太郎也。遂退去。賴義既免。乃奏兵食不至。遠近皆然。且出羽守不與臣戮力。於是詔罷出羽守。新守至。亦不敢來援。負任勢益張。令經清以私符徵官物。令曰。用白符。勿用赤符。赤符。官符也。賴義益困。對守數歲。康平五年。任滿。詔高階經重代任。國民慕賴義。不服經重。經重不得已而去。於是賴

義矢必滅虜。使人說出羽。西清原光賴。及弟武則。諭以大義。七月。武則率子弟以下萬餘人而至。賴義以三千人。會議于營岡。爲七陣。以武則等分將之。而自將第五陣。進至萩埒。將攻小松柵。以凶日不果。會清原氏候騎誤失火民家。柵中大譁。賴義謂武則曰。機不可失。拘日何爲。對曰。我兵怒如火。宜及此時用之。乃遣騎兵。絕其衝路。而步兵薄攻之。深江是則等。以死士冒險入柵。虜大擾。負任令弟宗任出戰。賴義以麾下橫擊破之。虜游軍又襲

我第七陣亦擊大破之。虜遂弃柵走。乃焚柵而退。會霖雨。留旬餘。磐井以南。盡應宗任。侵奪我糧道。賴義分兵赴拒。九月。貞任瞰我兵寡。以精騎八千來襲。武則曰。我客兵糧乏。利在速戰。彼不坐困之而來戰。是自投首也。賴義大喜。爲長蛇陣。逆戰半日。大破之。追走至磐井河。曰。吾欲乘機遂擣其巢穴也。則令武則以八百騎夜追之。武則更揀死士五十。自間道焚貞任營。內外合擊。虜軍大亂。走保衣川之險。賴義義家進攻之。河水方漲。武則等戰

不利。見河畔有樹覆水。武則使矯捷者攀樹踰河。縱火虜營。貞任駛走。賴義追擊連破二柵。進拔烏海柵。乃會將士飲。謂武則曰。吾得至於此。子之力也。子視吾面目。奚若也。對曰。臣爲將軍執鞭。何力之有。將軍盡忠於天子。暴露于野十餘年。頭髮皆白。天地爲動。將士爲奮。破虜如決河。臣今視將軍髮。復半黑也。卽獲貞任。則全黑矣。賴義喜。又進破三柵。追貞任。至厨川柵。柵據水澤。高壘深塹。塹中植刃。以死守之。殺我兵數百人。賴義令壞人家堙

斬下馬遙拜京師。手取火號為神火投之。會風起。壘柵皆火。我軍因急圍之。虜殊死戰。武則解其一角。虜逃走。賴義擊鏖之。負任乃獨身出鬪。我兵叢刺之不殊。載之巨楯。六人舁之至。賴義視之。腰圍七尺。長稱之。賴義數其罪斬之。及其子千代。其弟重任。經清亦被縛至。賴義命用鈍刀斬之。曰。猶能用白符乎。宗任等皆降。賴義見柵中有所虜掠美女數十人。盡分賜將士。六年二月。使人齎負任以下首。獻闕下。詔叙正四位下。任伊豫守。叙義家從

五位下。任出羽守。義綱為左衛門少尉。清原武則為鎮守府將軍。八月。賴義建八幡祠于鎌倉鶴岡。賽戰功。七年春。賴義義家以諸降虜入朝。奏請賞有功將士。朝議未許。以故未赴任。任國不登。以私資濟貢賦。如是二年。上書請重任。曰。臣聞人臣建勲功。受恩賞。和漢古今所同也。是以或有起徒隸而係金紫。出卒伍而至將相者。賴義以功臣之裔。効恪勤之節。舊矣。適東夷蜂起。侵盜郡縣。鈔略人民。六郡之地。不服皇威者。數十年矣。及於近歲。日

益猖獗。賴義以永承六年受任彼州。至天喜中。兼帥鎮府。臣叩鳳皇之詔。以向虎狼之國。被堅執銳。身受矢石。暴露千里之外。而出入萬死之途。藉天子之威。與將卒之力。終得奏其功。其渠帥安倍貞任。藤原經清等。皆伏誅戮。傳首京師。其餘醜虜。安倍宗任等。束手歸降。掃其巢窟。收之縣官。叛逆之徒。皆為王民。乃蒙錄功績。得守伊豫。臣忝聖恩。欽荷不暇。而以鎮服餘燼。猶留輿地。且征戰之際。有功勞者十餘人。為請抽賞。未得裁許。是以不敢赴

任。况去歲九月。被賜任符。遲引之罪。出不獲已。四歲之任。空過二稔。不能徵納官物。而封家納官。督責如雲。仍以私物。且償進濟。聞彼州吏言。頻年旱凶。田無秋實。民有菜色。臣謹按傍例。延蒞境之年。限以救闔國之凋弊者。其人寔繁。况致希世之功者。寧無殊常之恩。昔班超以三十年平西域。今賴義以十二歲誅東夷。遲速優劣。採擇非難。饒無受千戶之封。曷不許重任之典。望請天恩。哀矜臣意。忝賜允可。使臣徐得處興復之計。以致辦濟之方。

臣不任懇款。先是諸降虜皆處流。義家愛宗任勇。特親信之。一夜問所私女子。乘車而往。獨宗任從。心陰圖報復。拔刀窺車中。見其睡。不敢發。後遂傾心事之。義家嘗過藤原賴通第。談陸奧戰事。博士大江匡房在別室。聞之曰。好男子。惜未知兵法。宗任微聞之。愠告義家。義家曰。其或然。見匡房出。禮之。遂就學焉。承曆三年。美濃亂。詔義家往定之。亂人聞之。皆遁。延久三年。陸奧亂。守源賴俊討平之。賴俊者。賴親孫。賴義從姪也。永保二年。賴義卒。三

年。詔義家爲陸奧守。兼鎮守府將軍。初清原武則有二子。曰武貞。武衡。武貞生真衡。又納藤原經清之寡婦。生家衡。亦養經清子清衡。而真衡爲嫡嗣。家衡清衡以下。皆臣事之。其姑夫吉彥秀武以事怨真衡。舉兵背之。真衡赴攻之。秀武使人說家衡。清衡襲其虛。真衡乃還救。已而聞義家至。迎饗之。復往攻秀武。二弟又來襲。義家從兵入其城。拒卻之。義家自赴出羽。攻家衡。不利還。武衡喜。來謂家衡曰。子克八幡太郎。我曹之榮也。當與戮力。遂合

兵據金澤柵。義家大怒。寬治元年九月。自將數萬騎攻之。去柵數里。望見雁行亂。曰。是有伏也。縱兵搜索。果獲麋之。謂衆曰。兵法言。鳥亂者。伏也。我不學則殆矣。遂進圍柵。相摸人。鏹倉景政挑戰。敵射中其右目。景政不拔箭而索射已者。終射殺之。武衡據險死鬪。多傷我兵。又使卒千任者。詬言義家曰。女父納名簿於我。以獲克敵。簿見在我。女何以負我。義家怒。攻之。未能下。義家弟義光。稱新羅三郎。亦勇智多技能。是時。爲右兵衛尉。在京師。聞兄

軍不利。奏請赴援。不許。遂舍官赴之。義光素好音。嘗學笙於豐原時元。是時。時元已死。其孤子時秋送義光。至足柄山。會月明。義光因吹笙。盡授所學訣別。遂至陸奥。義家喜泣曰。吾見汝。猶見先君也。乃與俱進攻。柵固不拔。義家因會食。設勇怯兩列。以勵戰士。義光從。臣腰秀方。無日不列勇列也。吉彦秀武降在我軍。進說宜持久困之。義家從之。下令休戰。武衡使人來言曰。我軍苦無事。我有健兒龜次。請得一力人角之。乃遣鬼武者。勝而殺之。虜

愧憤出戰。已而虜食盡。出羸兵來降。秀武曰。足紿糧也。宜斬。義家又從之。虜益窘。因義光乞降。不聽。再乞。且請義光臨柵中。爲要結。義光欲往。義家止之。乃使秀方往。虜露又待之。秀方夷然。武衡賂之以金。秀方卻之曰。我輩將日暮分取之。不煩汝賂也。撫刀而出。時天漸寒。軍士恐凍。一夜義家出令軍中曰。燒我營取煖。今夜虜柵陷矣。不復用營也。黎明柵中火起。家衡遁。武衡潛池水中。義家獲之。誚曰。而父屬吾父樹功。吾父請授官爵。若以怨報

德。何也。名簿果安在。因執千任拔其舌。令斬武衡。武衡乞哀於義光。義光請曰。降者宜赦。義家作色曰。悔過來歸。如宗任者。是之謂降耳。擒而求活生。非降也。遂斬之。家衡爲其下所殺。義家欲獻武衡。家衡以下首。奏請下官符。廷議謂其私鬪也。弗許。以故不賞將士。遂弃首于途而還。義家承父祖業。善撫將士。其征陸奧。前者九年。後者三年。東國士民皆服其恩信。相與共請留其子弟。擁戴之。而自呼其家人。稱義家曰八幡公。當是時。八幡公威名

徧於朝野。白河法皇嘗患夢魘。詔義家獻其兵器。鎮之。義家獻一玄弓。建御枕上。卽無患。法皇問曰。母乃東征所執乎。對曰。臣不記也。法皇嗟賞之。然義家官位甚卑。以正四位下右衛門尉。卒於天仁元年。年六十八。有六子。義宗。義親。義國。義忠。義時。義隆。義忠最有名。官至檢非違使。季父義光嫉之。誘義忠臣鹿嶋某。使陰殺之。初。義忠叔父義綱。與義家相惡。構兵。詔禁兩家兵入京師。事得寢。後義綱以陸奥守擊平亂人平師妙于。出羽。以功拜

從四位上。其黨頗廣。至此。朝議以義忠死。爲出於義綱子義明。遣兵殺之。義綱據甲賀山。詔源爲義討之。義綱自髡降。流佐渡。義光子孫世居甲斐。稱甲斐源氏。爲義者。義親子也。義親爲對馬守。以罪被誅。爲義幼孤。義家奇之。欲以爲義忠之嗣。甲賀之捷。拜左兵衛尉。時年十四。其明年。義家卒。爲義遂直承義家之後。居五歲。南都僧兵攻叡山。又命爲義。爲義與十七騎。逆擊于粟子山。走之。後十餘歲。累遷爲檢非違使左衛門大尉。叙從五位下。爲

義有二十子。長曰義朝。尤善戰。居相摸鎌倉。關東家人盡附之。爲下野守。第八子曰爲朝。猿臂善射。幼凌犯諸兄。爲義患之。逐之豐後。曰鎮西八郎。自稱九國總追捕使。以妻父阿曾忠國爲鄉導。數與菊池原田諸大姓戰。比十五歲。遂盡伏九國。九國守介交訴之。朝廷敕太宰府討之。不能克。爲義坐免官。爲朝聞而病之。與須藤家季等二十八人。俱至京師待罪。是歲。近衛帝崩。帝爲鳥羽法皇寵姬得子所出。夙受禪于崇德上皇。及帝崩。上皇願

復位。法皇與得子議立帝兄即位。是爲後白河帝。帝之保元元年。法皇有疾。召得子。授之一筐。戒曰。緩急啟之。七月。法皇崩。上皇起兵。據白河殿。左大臣藤原賴長爲謀主焉。四募兵。京畿大擾。得子乃啟筐。則書武臣十人名矣。義朝爲之首。即召義朝。義朝乃率兵。與族賴政等。俱衛高松殿。賴政者。賴光五世孫也。安藝守平清盛亦應召入衛。於是上皇使使者召爲義。爲義辭曰。臣老羸。非復平昔。長子義朝勇而有衆。而旣赴禁內矣。餘子獨爲朝可

用君請用之。毋以臣爲也。且臣夢家所傳八甲爲風所漂。臣心惡之。往必不利也。使者強之。爲義不得已。率諸子赴之。上皇喜。以爲判官代。賜邑及寶劍。以四子賴賢爲藏人。因會議戰。爲朝進而言曰。臣大戰二十。小戰二百。以芟鋤九國。以少擊衆。每利夜攻。臣請今夜襲高松殿。火其三方。而要之一面。其善戰者。獨有臣兄義朝。然臣一矢斃之。至如平清盛輩。臣鎧袖一觸。皆自倒耳。則乘輿必不得不出。臣乃加矢其從兵。徙輿於此。而奉陛下於彼。

易如反掌。則東方未白。大事集矣。賴長曰。爲朝年少。負氣。所言皆鄙人私鬪之事。安可施之帝王之戰耶。兩帝爭國。當用堂堂之陣。南都僧兵。應名且至。成軍以戰。未爲晚也。爲朝退。竊罵曰。唉。長袖者。惡知兵哉。家兄有謀。將出我所欲爲。僧兵寧可須也。爲義又進策曰。本宮垣溝單淺。無地可據。以寡兵保此。非計也。陛下宜幸南都。撤宇治橋以守。卽不利。幸于關東。臣糾合家人。奉輿復闕。臣籌之。不利。賴長弗聽。爲義退而言曰。吾不知死所矣。與其

六子賴賢。賴仲。爲宗。爲成。爲朝。爲仲。分八甲環之。送一於義朝。爲朝。軀幹大。不可服。乃服他甲。獨以二十八人守西門。餘子盡從父。以百騎守南西門。平忠政等諸將。以兵數百分守諸門。義朝在禁內。關白藤原忠通以下。聚議不決。義朝數趣之。有詔。召義朝於階下。問計。對曰。取勝一舉。莫若夜攻。臣聞南都兵千餘。應上皇徵。已次宇治矣。宜及其未至擊之。從之。詔。戰勝。聽昇殿。義朝對曰。武臣赴戰。不期生還。臣請拜賜而死。攝衣而昇。藤原通憲奏。

曰。彼之曾祖。祖父。嘗聽昇殿。而父則未也。以子先。父若何。詔曰。勿問。義朝感喜。還營。繫鞭車傍。曰。我卽戰死。誰知我得昇殿。此識之也。乃以選兵四百。襲白河殿。平清盛亦赴之。兵凡數千人。上皇謀者。還報。爲朝。哂曰。固當然爾。賴長恐爲朝不爲用。遽拜爲藏人。爲朝曰。吾何用藏人爲。吾鎮西八郎可矣。辭不拜。將戰。諸子爭先不決。爲朝曰。臨戰何論兄弟。然吾嚮以不遜獲罪。故欲先而不敢。唯敵勁難當處。輒命於我。賴賢。賴仲。邀擊義朝。敗退。義朝。

隨攻之。平清盛攻西門。其將伊東景綱與一子伊東五。伊東六先進。爲朝射之。洞五之胸。而著六之袖。清盛情懼而退。獨其騎山田伊行返戰。爲朝又射斃之。馬逸入義朝陣。鏃穿鞍。大如巨鑿。部將鎌田政家取而獻之。曰。八郎君所爲也。義朝曰。彼弱齡。未當至此。詐設以怖敵耳。汝當試之。政家自呼而進。爲朝曰。爾非吾家人乎。對曰。昔爲主君。今爲兇徒。射中其胄。爲朝大怒。與二十八騎。闢門突出。政家辟易退走。義朝以二百騎馳之。呼曰。吾奉宣

旨來。汝盍趣降。乃彎弓於其兄乎。爲朝曰。判官公受院宣。令爲朝等拒戰。且彎弓於其兄。孰與推刃於其父。因大戰。義朝立馬莊嚴院門。爲朝望見之。注箭。旣而舍之。曰。父在此。兄在彼。焉知其不有所潛約。勝敗互相救護哉。乃注鳴鏑。顧謂家李曰。吾且褫其魄。家李曰。得毋誤乎。爲朝曰。第觀吾所爲。乃射穿胄臍。貫門扇。義朝大驚。乃呼曰。八郎射未爲精。爲朝曰。不敢焉耳。卽被許。甲之鬲。胄之題。唯阿兄所命。乃注大箭。深巢清國。進蔽義朝。應弦而

倒。義朝兵死傷最衆。爲朝亦喪二十三騎。猶固守。爲義賴賢等又善拒。天漸明。義朝馳使奏請用火攻。聽之。乃縱火上。風烟焰蔽宮。宮中大亂。義朝等鼓譟。終陷之。上皇出奔。入如意山。爲義以下悉從之。上皇親諭散遣之。皆揮泣而散。爲義將遁東國。病不能行。抵箕浦。追兵來薄。諸子力戰卻之。士卒垂盡。乃削髮。欲因義朝請降。爲朝諫曰。上皇者。帝同母兄。而左府爲關白親弟。聞上皇已遷讚岐。左府亦死。骨肉之不可恃如此。大人盍鑒焉。不若赴

東國。倚其豪族。官軍卽來。兒爲竭力。力盡而後死。不亦可乎。不聽。遂出降。初。清盛奉敕索爲義。不得。會平忠政出降。其叔父也。素與有隙。則斬而獻之。以搖義朝。有詔。令義朝斬爲義。義朝數請以已戰功贖其命。帝怒曰。清盛能誅叔父。義朝獨不能誅父乎。果不能。將命清盛斬之。義朝憂懼。不知所出。謀之鎌田政家。政家對曰。此非臣所敢議也。然旣爲國讎矣。竟不免於誅。與其死於人。寧死於子。義朝意決。使政家誘殺之。自奉其首詣闕。賴賢以下

五人皆伏誅。猶有四弟。曰乙若。龜若。雀若。天王皆幼。義朝以詔遣人殺之。雀若謂使者曰。抗鬪者當死。吾儕何同科。恐女謬聞。龜若曰。家兄誤矣。使吾輩存在。多於數百士卒也。乙若諭諸弟曰。女輩勿復言。下野守既忍於父矣。何有於弟哉。是無他。陷清盛計中。自斃其羽翼耳。事已至此。生猶蒙辱。不若速死以從父於地下也。駢首受刃。爲朝匿于輪田。將奔鎮西。聞平氏將平家負要之也。不果。適有疾。浴於民家。或視其身材魁偉。告之於官。官遣兵

圍之。爲朝裸體挾柱。擊殺數人。而就縛。至闕庭。特減死一等。拔其臂筋。流于大島。爲朝筋力雖減。用箭加長。曰。天子賜我大島。遂并有旁五島。舊臣稍來附。後數年。敕狩野介攻之。爲朝射沒其一艦。而自逃入琉球云。義朝之捷也。賞爲右馬權頭。義朝奏曰。是先臣滿仲所拜。然彼左。此右。且曰權馬。臣未知其榮也。於是陞爲左馬頭。而資望終不及平氏也。平氏素與少納言藤原通憲善。通憲以帝乳母子。貴幸用事。義朝欲以女爲其婦。通憲鄙義

朝。郤之曰。我子學生。子女非偶也。乃與清盛婚。帝
既禪位於二條帝。而猶聽政。嬖人藤原信賴與通
憲惡。則寢引義朝自援。說以甘言。義朝深結之。平
治元年十二月。清盛如熊野。信賴乃謂義朝曰。通
憲恃寵自專。陰與清盛謀。剪除子家。彼之專橫。雖
上皇亦厭之矣。吾欲發事。誅夷讒人。子何不相助。
義朝曰。吾建殊功。而不能贖父命。親屬摧頽。清盛
欲乘此時。以陷擠我。我非不知之。公有此舉。敢不
効力。信賴大喜。贈以鎧仗名馬。義朝又教之招賴

政。於是義朝以五百騎。夜圍三條殿。焚之。又焚通
憲第。所殺傷甚衆。通憲遁逃。追獲斬之。信賴挾帝
及上皇據大內。義朝第三子曰賴朝。稱鬼武者。時
年十三。爲右兵衛佐。進謂義朝曰。聞清盛等將還。
盍逆擊。乃坐待之乎。賴朝長兄義平在鎌倉。嘗與
其叔父義賢有隙。戰于大藏。斬之。人呼曰惡源太。
於是聞變。晨夜馳至。信賴欲授之以官。義平辭曰。
嚮叔父八郎辭藏人不拜。知緩急也。吾亦姑用惡
源太之號可矣。如聞平氏將還。願假吾一隊兵。吾

要之阿部野。梟清盛以下首。然後拜命耳。信賴弗聽。已而清盛入京師。帝上皇皆乘夜逃出入平氏第。信賴旦起。乃覺之。意大沮喪。義朝檢其兵。稍稍散亾。所餘有二千騎。乃分守諸宮門。授賴朝以傳家寶刀。截鬚。携以臨軍。信賴不習騎。騎而墜。左右扶之。守待賢門。平重盛來攻。信賴舍守走。重盛以五百騎破門而入。義朝望見。咄嗟曰。豎子敗吾事矣。呼義平拒鬪。義平乃與鎌田政家。三浦義澄。平廣常。平山季重。熊谷直實等十六騎。躍馬而出。指

視其騎曰。赤甲而黃馬者。重盛也。宜生擒之。進戰于大庭。騎皆注目重盛。追之七匝。重盛走出。以生兵入。義平復擊走之。義朝馳使讓義平曰。若何不善拒。而使敵數入也。義平乃出。至大宮巷。直衝平氏陣。陣潰亂。重盛與兩騎走。義平追之。垂及而馬跌。重盛踰塹。政家射之。甲堅不入。義平曰。射馬射馬。重盛墜。追及之。其兩騎遮鬪死。重盛僅以身免。義平慮義朝還而援之。則義朝方與平賴盛戰于郁芳門。大破之。賴朝射斃二人。傷一人。義平至代

日本外史 卷之二十一 賴朝正統

日本外史 卷之二十一 賴朝正統

日本外史 卷之二
賴朝直
父進戰。平氏軍悉敗走。退保六波羅第。我軍追北。信賴從出。半途逃走。平氏兵乘虛入大內。義朝直進。攻六波羅。賴政獨陣于六條磧。義平察其有貳心。以五十騎突之。賴政走歸於清盛。清盛聞我軍至。大怖失措。倒蒙冑。從者言之。清盛曰。帝在於後。不可背也。乃關門固守。義平力戰。排門而入。敵分兵更戰。我兵自旦至晡十餘合。刀折矢盡。人馬皆傷。義朝欲親決戰。政家扣馬諫曰。衆寡勞逸。不較明矣。且走東國。以爲後圖。孰與殞身徒卒。以辱家。

聲。義朝乃收兵。退至三條磧。敵兵來薄。平賀義信。佐佐木秀義。首藤俊通等救戰。俊通死之。義信者。義光孫也。義朝得間。與三十騎東走。山門僧徒聞其敗也。以三百人要於路。義朝患之。武藏人齋藤實盛免冑。謂僧徒曰。左馬旣死矣。我輩新募之兵。將歸鄉耳。公等欲褫我鎧仗。所不敢愛。顧子衆我寡。不能周給。請拋擲之。公等自取焉。乃投其冑。僧相蹂踐爭之。三十騎因驅突而過。至八瀨。顧見信賴來。呼義朝曰。子何弃我。義朝罵曰。豎子首謀。乃

先走。何面來見我乎。舉鞭扶其面。弃之而去。至龍華。又遇僧徒要路。皆下馬破柵而過。叔祖義隆中矢死。子朝長被射股。拔箭復戰。義朝怒。力戰走之。至堅田。見義隆首。泣語其騎曰。八幡公遺體。獨見此人。而至於此。沈首湖水。將渡。會風濤起。取路於勢多。乃諭實盛等二十餘人。令散去。獨義平。朝長。賴朝。義信。政家。及源重成。暨金玉從之。賴朝騎睡。而後。夜過森山驛。士兵聚且捕之。賴朝乃覺。拔刀斬二人。義朝恠賴朝不在。使政家返索。獲之。至鏡

驛。聞平氏拒不破關。乃由間道東出。會大雪。馬不能前。皆釋甲步行。復與賴朝相失。至青墓驛。義朝嘗嬖驛長女延壽。生一女。於是投其家。乃分遣義平。朝長。募兵於信濃。飛彈。朝長劊劇。途還。義朝曰。賴朝雖幼。不如女怯。欲留之而去。朝長請父殺已。勿爲追兵所獲。義朝乃及之。士兵聞義朝在焉。群聚圍之。重成詐稱義朝。射殺十餘人。剥面自殺。義朝乃走。又遣義信募兵。義信曰。公欲安適。曰。欲適內海。依長田忠致。忠致者。政家妻父也。義信曰。不

可。彼性趨勢。恐不利於公。弗聽而訣。道塞不達。聞大俠玄光者。延壽母兄也。遣金玉就謀。玄光乃航載義朝政家。柴覆之。由株瀨河。如內海。津吏覺。呵止之。玄光爲不聞而過。吏追射之。玄光回舟至。所吏入船。發柴索之。玄光曰。義朝雖敗。亦從二三十騎也。安依吾儕求活乎。假使在焉。必自殺耳。安落子等手。義朝耳語政家曰。玄光諷我自殺也。如何。政家曰。且待之。吏亦不究而去。明日達內海。忠致厚待之。義朝欲亟東去。時屬除夜。忠致固止之。止

三日。忠致子景致密勸其父殺義朝。忠致從之。乃伏力士三人于浴室。而進浴。金玉操刀侍浴。力士不敢發。義朝求浴衣。不至。金玉自出取之。力士乃入。義朝赤手搏仆一人。其二人耦刺殺之。金玉聞浴室譁。則返。輒斬三人。政家方與忠致飲。聞變且起。行酒者拔刀。政家奪其刀。斬之。景致自後斬政家。忠致女嫁政家者。伏政家之刀而死。金玉玄光欲報忠致父子。不獲。殺數十人。取馬逃去。忠致乃獻義朝及政家首于平氏。義朝與政家年並三十

八信賴以下皆伏誅。義平在飛彈來屬者甚衆。聞義朝死皆散。義平欲自盡。念當報父仇而死。乃變服入京師。適值舊臣志內景澄。因偽爲其僕。出入平氏第。舍于三條烏丸。舍主人視僕舉止非凡。又怪主僕每食於隱處也。竊窺之。則易饌而食。乃走告平氏。平氏使難波經房以三百騎圍之。義平拔刀出。斬數人。躍升屋。不知所往。經房乃執景澄去。義平晝伏夜行。以伺平氏。欲倚東近江舊人行。至逢坂。經房詣關神祠。途見義平困卧。以五十騎圍

之。義平蹶起。箭中其臂。不可揮刀。終被縛。至六波羅。坐之堂緣。怒曰。吾何坐此。自起入堂。清盛出見。謂之曰。脫於三百騎。獲於五十騎。何嚮。勇後怯也。義平笑曰。命焉耳。子之命窮。亦至於此。吾爲子之大患。宜速見殺。乃斬于六條磧。義平臨刑。仰首覲平氏。第曰。保元之亂。處斬者以夜。今乃白日斬我。平賊何無狀乎。嚮使我言行。奴輩無遺類矣。遂被斬。時年二十。賴朝之與父兄相失也。夜迷失路。出於小平山。有漁人。知其非常人。舍之。裝爲女子。而

薦包其刀。自肩之。送至青墓驛。延壽家。賴朝托截鬚。刀於延壽。而去之。關東。遇平氏將平宗清。被虜。還過延壽門。義朝所生女。年十二。聞之。泣曰。我他日受辱。寧今從阿兄死。將走出。衆止之。後獨赴水死也。賴朝既至六波羅。就斬。有日。宗清謂之曰。欲活邪。曰。然。父兄皆亡。非吾誰祈其冥福。宗清詣清盛。後母池尼。尼從容問曰。賴朝如何。對曰。肖右馬君。右馬。蓋尼之子。蚤死者。尼悲之。爲乞清盛再三。乃得宥死。流于蛭島。道傍觀者。見其有威容。相語

曰。是猶放虎於野耳。舊臣皆勸其削髮。獨秩父盛安附其耳。語曰。郎君宜存髮以待前途。賴朝首肯而去。賴朝有六弟。曰義門。蚤死。曰希義。居駿河。被虜。流土佐。曰範賴。爲藤原範秀所養。稱蒲冠者。平氏不問也。曰今若。曰乙若。曰牛若。三兒皆婢常盤出也。並從母匿於龍門里。平氏索之。不獲。因捕常盤之母。常盤乃自至。清盛悅其色。密挑之。不肯。其母涕泣。說以禍福。不得已從之。清盛乃釋三兒。盡爲僧。今若改名全成。居醍醐。乙若更名義圓。事圓

日本外史 卷之二
慧法親王。牛若甫二歲。居鞍馬山寺。稱遮那王。未
削髮也。平氏勢威熾。月盛。賴朝在配所。以其乳
母比企禪尼常餽遺之。纔得不乏。伊豆人伊東祐
親。北條時政。奉平氏令。監視之。關東舊臣齋藤實
盛。大庭景親。畠山重能以下。皆叛事平氏。其屬意
賴朝者。亦弗敢來通。獨佐佐木秀義。自近江來。寓
相模。倚澁谷重國。使其子定綱等數問賴朝。安達
盛長。加藤景廉等數人。亦往來給仕焉。賴朝深沈
有大略。性堅忍。喜怒不形於色。為衆所畏愛。中宮

屬三善康信。其故人也。一月三使使以報京師。動
靜。清盛累遷至太政大臣。其妻姪幸於法皇。生皇
子。遂受禪。是為高倉帝。清盛納女。立為中宮。先是
常盤寵衰。出嫁於人。牛若年已十一。嘗見諸家系
譜。自知其先世。悵恨久之。於是晝讀書。夜學劍搏。
為人短小精悍。面白齒出。甚矯捷。為衆僧所患苦。
師勸其削髮。對曰。二兄為僧。吾已耻之。可復倣乎。
強之。竟弗聽。時藤原清衡孫秀衡。為鎮守府將軍。
牛若欲往倚之。適有鐵賈吉次。往來陸奥。會其詣

日本外史 卷之二
山牛若乃陰語之以情。吉次曰：事甚易，然取子而去，恐遭僧徒怒。牛若突曰：彼輩苦我，我去，其所欲已。又會下總人深棲賴重詣山牛若與之狎。於是三人與偕東至鏡驛。牛若乃自加冠，名曰義經，稱九郎。遂至下總。居數月，適有一強盜盜馬，衆追之，盜負樹，衆不敢迫。義經徒手捕之，又有盜數十爲劫。義經赴救，立斬四人。賴重服其勇，而憚物議，稍戒之。義經乃去。徑上野，得伊勢人義盛者，約爲君臣。至陸奥，因吉次通秀衡，秀衡善遇之。義經請之

金以報吉次。在陸奥，又得佐藤嗣信兄弟。時承安四年也。當是時，除陸奥出羽外，盡係平氏所管。所在源氏皆爲人所擯斥。獨兵庫頭賴政，平治中決意屬官軍。多材藝，聽昇殿，嘗奉敕射，惟禽寢殿上。獲之。帝嘉之。後遂叙從四位下。治承元年，比叡山僧徒擁神輿犯闕，詔諸武臣拒之。賴政守達智門，僧兵來攻，賴政免胄下拜，遣其裨將，言之曰：賴政崇敬山神，有年矣，不幸奉敕，弗敢關弓，向神輿。昔源平氏並衛朝廷，保元以降，平盛源衰，况以賴政

日本外史 卷之二
老憊寡兵。敝甲不足以迎公等。左近衛大將平重盛。以大兵守陽明門。避彼攻此。不可謂勇。公等思之。卽不見許。賴政與衆卒。駢死與前而已。僧兵乃向陽明門。敗還。世稱賴政以智辨免禍也。是時僧兵欲再舉。敕大納言藤原成親討之。成親初稱受法皇密旨。陰圖平氏。託事聚兵。攝津源氏有行綱者焉。與其謀已。而度衆寡不敵。自告清盛。清盛捕成親等。悉殺之。二年。清盛女生皇子。立爲太子。明年。清盛使其次子宗盛將兵。徙法皇。幽之鳥羽。四

年。廢帝立太子。是爲安德帝。平氏以外祖益專橫。賴政爲從三位。削髮而老。子仲綱爲伊豆守。有名馬。宗盛數欲借之。仲綱弗肯。賴政懼。令仲綱許之。宗盛借而不還。大會客而出其馬。烙記仲綱二字。曰。騎仲綱。曰。鞭仲綱。仲綱與父言而憤之。賴政素善於以仁王。以仁王者。法皇次子也。第在三條高倉。稱高倉宮。賴政嘗夜詣高倉。從容說曰。大王者。於上皇爲庶兄。於今上爲伯父。才德兼備。天人交應。而齡已及壯。未得爲親王。臣竊爲大王羞之。王

日本外史 卷之二
亦見清盛所爲子。廢立生殺。一從其私。當今之時。大王亦竟不能保終。自平氏之專權也。諸州源氏。列於編戶。皆見奴僕使。憤怨鬱積。因屈指舉之。得賴朝。義經以下四十餘人。曰。大王誠能仗義聲罪。此輩皆可傳檄而致也。王何不速舉大事。上拔法皇。幽厄。下援萬姓塗炭耶。王意悅。終聽之。會源行家自熊野來。賴政薦之於王。行家故爲義第十子也。是歲五月。拜行家爲藏人。密齋王令旨以諭諸源。以賴朝爲嫡宗。特賜一通。行家又密誘新宮僧

徒爲援。行家旣發。僧徒相告語。謀泄。熊野別當平氏黨也。聞而攻之。敗還。馳告平氏。平氏未悉事端也。遣兵圍王宮。賴政次子兼綱爲檢非違使。在遣中。急告之。賴政。賴政卽馳使王宮。告曰。王急逃之。園城寺。臣等將追赴焉。王隸士長谷部信連。被王以婦人服。遣之。開門而待。昧爽。吏卒入門。呼索王。信連大罵。殺傷十餘人。而被執。終不告王所在。賴政焚其第。率仲綱兼綱等五十餘人。追赴王所。其舊臣渡部競居平氏第後。衆欲呼之與偕。賴政曰。

日本外史 卷之二
三十一 賴政
毋以爲也。彼不呼而來者。已而宗盛聞賴政奔。使人閱競在焉。乃召見之。問曰。三位逝矣。汝何以不從。競佯答曰。臣近與三位有隙。故不相聞知也。宗盛誘以厚祿。競佯喜從之。因言新圖報効。獨患無馬。宗盛與以所愛駿馬。競乃歸舍結束。騎其馬。過平氏門。呼曰。渡部競。源家舊臣。何能改慮仕仇敵哉。今將赴援三位。何不要擊。平氏莫敢出者。遂至園城寺。仲綱大喜。截其馬鬣尾。烙記宗盛二字。夜使人驅入之。平氏第馬入厩。與他馬相踶齧。一第


驚駭。宗盛慙恚。於是賴政招叡山南都。並援王。因建策曰。今夜遣羸兵千。縱火三條。以誘平氏兵。且戰且卻。而以精騎數百。遶襲六波羅。必得克矣。僧真海者。陰附平氏。故發異議沮之。天遂明。平氏亦以利啗山徒。山徒叛。欲攻賴政。賴政乃奉王走南都。王不習騎。墜者六。因息于平等院。平知盛等以二萬騎追至。賴政撤宇治橋板拒之。會曉霧。平氏兵緣橋架來戰。渡部競等善拒。殺傷過當。已而敵亂流大至。賴政中流矢傷膝。仲綱亦戰死。賴政乃

日本外史 卷之二
與王訣使王脫走而自還戰亂射敵不敢進乃入
院釋鎧而坐謂其騎曰吾年已七十七矣爲天下
倡義可以死也與仲綱皆自刃王途爲追兵獲殂
皆傳首京師清盛聞諸源圖已幽法皇益固六月
迫徙都福原奉帝於己家作三間板屋以囚法皇
遂欲誅鋤諸源三善康信飛書戒賴朝使早爲備
賴朝初寄伊藤祐親家以事相惡遂欲殺賴朝祐
親子祐清密告之賴朝賴朝乃倚北條時政時政
素器之妻以其女政子會以仁王令旨至賴朝大

喜陰與時政謀舉兵平兼隆平氏疏屬也爲伊豆
目代居八牧寨賴朝計先擊之竊遣京人藤原邦
通與兼隆游圖其地形還會大庭景親自京師歸
以清盛告圖賴朝語之佐佐木秀義秀義密使其
子定綱馳告之賴朝賴朝已得康信書知其信然
也乃欲先發因語定綱以所爲舉大事曰吾欲首
擊目代以下成否子宜留此招致諸弟定綱請還
取鎧仗與俱來乃去久之不至賴朝疑其意變悔
語之也已而定綱率三弟經高盛綱高綱而至甲

胃敝惡羸馬繩轡。賴朝目之。慘然泣下。於是賴朝令時政等八十騎攻八牧。出圖指授其所嚮。留盛綱及加藤景廉自衛。時八月十七日也。時政待昏而發。賴朝呼時政還之曰。吾何以知勝敗。對曰。勝即舉火。苟敗矣。馳使報之。君自為計。乃往。敵驍將堤信遠別居寨北。遣佐佐木氏攻之。經高自前門入射之。信遠知有寇。亦射。揮刀而出。時月已出。經高覩之。舍弓交刃。定綱高綱繼至。遂斬信遠。亦赴八牧。賴朝使人升樹望火。火不舉也。顧景廉赴援。

授以薙刀。曰。為我斬兼隆。景廉與僕洲崎三郎俱赴八牧。則戰方酣。寨堅不拔。景廉進而迫。斬合楯數枚。綴以弓弦。投諸塹。以渡。踰壘而入。敵有善射者。關屋八郎。自櫓上呼曰。吾箭一而已。誰當之者。三郎佯稱景廉而進。當箭死。景廉進擊殺八郎。遂入。又殺一人及寢。寢戶闢。戶內有燭。乃脫胄冒於薙刀。伸刀入戶。如人窺戶狀。兼隆在戶側。謂敵入也。擊之。景廉揮刀斬兼隆。用燭火傳屏障以出。賴朝望火舉。則大喜。已而時政等凱旋。景廉提兼



隆首視賴朝曰。公定天下。可以此卜也。兼隆族知親爲蒲屋邑吏。爲民所患。賴朝自稱受令旨。宰關東。因罷知親。民大悅。伊豆人狩野茂光。相摸人土肥實平等。稍稍來集。會于土肥里計事。於是使安達盛長傳令旨。歷說八州豪傑。先抵大庭景親。景親素爲平氏所厚遇。弗聽。兄景能謂之曰。女爲恩也。吾爲義也。乃來歸。次抵首藤經俊。經俊嘲笑之曰。以流人圖平氏。猶鼠圖猫耳。乃去。抵三浦義明。義明聞使者至。扶病出。召諸兒孫。謂曰。吾家世仕

源氏。吾今餘喘未絕。得遭此舉。汝等勉之。事克興家。不克死義。禮盛長遣之。遂抵千葉經胤。經胤遲疑。其子胤正諫。經胤乃決意。因進策曰。鎌倉地形險固。源家之故也。公宜先據之。臣亦將赴焉。盛長終抵平廣常。廣常心持兩端。依違應之。盛長乃還。而經胤。義明等未至。二十三日。賴朝以三百騎軍于石橋山。明日。大庭景親以首藤經俊等三千騎來攻。會日且暮。或議待明日戰。景親欲及三浦黨未至而戰也。進而挑戰。自名曰。我鎌倉景政裔也。

倡亂者。何人。賴朝使人對曰。我君八幡公四世孫也。奉王命。誅無道。東國士族。誰非君家人。女獨不記。乃祖之從。八幡公於陸奧乎。乃背義嚮利。以饜家聲也。景親語塞。乃與弟景尚先進。賴朝召岡崎義實。問孰當彼兄弟者。義實乃三浦義明弟。居伊豆者也。於是薦其子義忠。義忠受命而退。召僕家安曰。我欲爲佐公死也。女全身而歸。語之我妻子。家安不肯歸。曰。郎君年二十。乃能爲佐公死。臣年六十。焉不爲郎君死。乃從而進。義忠遇景尚。搏而

伏之。呼從者。從者未屬。而敵人長尾爲宗來援。景尚時夜黑大雨。咫尺不辨。義忠曰。上者景尚也。景尚曰。上者義忠也。爲宗進摸其鎧。義忠揚足蹴之。急拔刀刺景尚。刀不脫室。爲宗弟定景亦來。義忠終被殺。家安死之。比明。我兵遂大敗。走入杉山。敵兵群追。賴朝殿而親射。敵應弦而倒。景廉扣馬諫止。自與佐佐木高綱。天野遠景等留戰。高綱弟義清。娶景親妹。在追騎中。高綱呼曰。汝以一婦人故。背君離親。何無耻之甚。因奮鬪。數却敵兵。賴朝得

日本外史 卷之二
間獨與土肥實平。冒險逃走。狩野茂光老大艱步。使子親光舍已從賴朝。乃自殺。親光與時政。景廉。高綱等六人。俱踪賴朝。見其立僵樹上。請生死以之。實平曰。多人則顯。宜散去之。賴朝乃遣時政赴甲斐。發其諸源。其餘皆期後會。散之。獨與實平俱匿。景親大索山谷。其族柁原景時知賴朝所匿處。故導之他。景親亦聞賴朝自殺也。馳使告之京師。賴朝既免。出杉山。匿管根山。初三浦。義明遣子義澄。義連。庶孫義盛等。以三百騎。會賴朝于石橋山。

至酒勾。聞賴朝敗死。乃還。與畠山重忠。戰于小坪。克之而歸。守衣笠城。重忠以三千騎攻之。義明年八十九。力疾上馬。欲親戰。義澄等止之。出戰不克。城竟陷。義明謂義澄等曰。佐公有勇略。非一敗而死者。女輩宜索而從之。吾老矣。不能行。當止死於此。吾耄耄。死不足惜。獨憾不目佐公成業耳。義澄等固請扶行。弗聽。遂巡間。遂爲敵兵所獲。死。義澄等航海走安房。索賴朝。賴朝之匿管根山。投僧家。僧弟嘗善於平兼隆者。欲爲復仇。乃逃出。循山走。

土肥自真鶴碇上舟赴安房。獨土肥實平岡崎義實從之。當是時海陸皆敵。二人盡心防護。數日望見一大船載甲士者。二人急匿賴朝于船腹而待。大船至則三浦氏也。見義實爭問佐公何在。義實不輒對曰。吾亦索公耳。義澄等泣曰。吾弃父而去者。欲見公焉耳。今如此悔不與俱死。賴朝聞之。匍匐而出。義澄驚喜拜曰。君在此耶。亡父之言果驗矣。賴朝聞義明死悲慟。義實亦語石橋之戰。義忠死狀。相共泣涕。義盛進曰。諸君何徒泣為。今得與


佐公遭。蓋議大事。諺曰。飲食者先器。嚮藤原忠清以相國命得為士所別當。八州士人群聚其門。臣意歆之。君而得志。願授臣以此職。賴朝笑而諾之。於是賴朝乃上安房。移檄遠近來會。其間敵地者。使由海路來。九月徵小山朝政。下河邊行平。得三百騎。進赴下總。千葉常胤擒州目代千田親政。以兵三百迎謁于國府。因建策曰。宜多張旗幕。以誘觀望者。賴朝從之。進至隅田川。於是平廣常乃以萬騎來會。欲見賴朝。賴朝不輒見。使實平言曰。吾

日本外史 卷之二十一 賴朝正本
奉敕舉義女何不速來當在後陣以待名呼廣常
悚然退謂人曰此公必成大事吾以我衆援其孤
弱不圖其如此也賴朝既并廣常兵又會石橋散
兵來歸軍大振先是石橋報至京師清盛大喜已
而聞賴朝未死勢復振則恐十月遣孫維盛弟忠
度以五萬騎來攻以藤原忠清監軍齋藤實盛爲
鄉導賴朝召諸將議曰吾欲徇上野下野然後進
如何廣常曰不若及敵未踰足柄而取武藏相摸
二州既獲天下唯君所欲爲賴朝然之濟河而軍

畠山重忠江戶重長等來降賴朝詰重忠以攻三
浦氏之由對曰臣父重能在京師故以藉口耳非
臣本心實平常胤請而釋之乃命在前軍立功自
贖於是武藏相摸豪傑相告來降兵凡十餘萬乃
入鎌倉立爲幕府部署諸將士遂親將而西逆擊
平氏八州將士爭追附之比踰足柄山凡二十餘
萬騎北條時政引武田信義等兵會之信義者義
光曾孫也世居甲斐於是與子信光弟安田義定
等舉州兵二萬南入駿河是時大庭景親與弟景

尚以兵千餘走欲歸維盛聞甲斐兵塞路景親窘
蹙乃與首藤經俊長尾定景等俱來降景尚遇義
定于波太山戰敗遁走歸維盛信光又擊破州目
代斬長田入道父子平賀義信其子維義亦發信
濃兵來屬賴朝賴朝乃合諸軍進與維盛夾富士
河而陣初維盛遇行旅自東來者問賴朝兵數對
曰八州草木無不風靡無山無河皆其兵也已而
賴朝至河東白旗林立望之無際維盛召齋藤實
盛問曰女知東事者度賴朝兵挽強如汝者幾人

曰弓五箇力箭十五拳以貫甲七札若是者一隊
不下二十人人畜五六馬馳山谷如平地戰而喪
親踐尸而進如臣者斗量帚掃不足數耳如我畿
內西國兵么麼尪弱託喪稱創動輒欲退而所乘
皆鶩豈可與彼輩較哉蓋實盛與藤原忠清議事
不合既對維盛遂辭而西一軍恐怖維盛以忠清
為先鋒進至河所河水方漲兩軍相持未戰武田
信光為我先鋒遣使平氏營與約戰期平氏不答
信光乃潛兵由間道夜出西軍後道徑大澤鶩鴨



驚起。西軍大駭潰走。賴朝欲追走。遂西經胤廣常。義澄皆說曰。常陸陸奧諸州未服。恐窺我後。先定關東。然後西伐。未為晚也。賴朝從之。乃令信義守駿河。義定守遠江。而引兵還。次于黃瀨河。會有一將率二十騎來。因土肥實平。求見賴朝。賴朝問狀。對曰。其年齒二十左右。面目俊邁。曰。是陸奧九郎也。亟呼入。實平導入幕。果義經也。曰。聞阿兄起義。喜不自禁。固辭秀衡而來。賴朝大喜曰。八幡公之東征也。遇新羅公來援。曰。猶見故將軍也。今吾遇

女。猶見頭公也。兄弟相對涕泣。是時。賴朝諸弟希義在土佐。為平氏所殺。範賴全成。義圓皆來歸。賴朝還鎌倉。大行刑賞。梟長田入道父子首。斬大庭景親。乃召首藤經俊。言曰。鼠圖猫如何。將斬之。其母嘗乳養賴朝。因為請哀宥之。賜長尾定景于岡崎。義實曰。乃子之仇也。義實又請而宥死。伊藤祐親欲航海西奔。為天野遠景所捕。囚于三浦氏。召祐清。欲報其德。祐清固辭。以嘗受平氏厚恩。請去而從之。賴朝義而許之。佐佐木義清降。亦以父兄

日本外史 卷之二十一 賴朝正本
故宥之。十一月，賴朝將兵攻佐竹義政于常陸。以廣常爲其姻戚，使說降，誘殺之。其姪秀義據金砂城。廣常又誘秀義叔父義弘以利，令爲內應。潛兵入城，擊走秀義，分其邑賜將士。十二月，新館成，徙居焉。令將士三百餘人各占邸第，別置士所，以和田義盛充別當焉。踐其前諾，選壯士十一人，每夜直寢室，以自衛。當是時，諸道豪傑起兵以應賴朝者甚多。河野氏起南海，菊池氏、緒方氏起鎮西山，木氏、柏木氏起近江，而木曾義仲起於信濃。義仲

於賴朝爲從弟，其父義賢爲義平所殺者也。義仲幼孤，畠山重能受義平命欲殺之，而不忍，託之齋藤實盛。實盛更託之中原兼遠。于木曾稱木曾氏。義仲常憤宗族殘滅，陰圖報仇。與群兒嬉戲，每爲騎射狀，稍長，壯偉多力，善射。潛入京師，覲平氏者數，及以仁王令旨至，喜而集兵，立得千餘人。平氏聞之，召詰兼遠。兼遠教義仲出依根井行親，招甲斐下野諸源。聞石橋事起，欲赴援。會州人笠原賴直爲平氏來攻，義仲擊走之。因據木曾峽。養和元

年春清盛薨宗盛嗣以遺命遣諸弟將兵東下賴朝聞之遣和田義盛援安田義定守速江賴朝叔父義廣在常陸欲襲取鎌倉聚兵三萬入下野誘足利忠綱小山朝政忠綱應之朝政詐應設伏擊破之義廣奔歸於義仲賴朝季父行家在美濃與平氏戰敗退賴朝遣弟義圓將兵赴援三月行家義圓以兵二千與平重衡七千騎夾墨股河軍義圓夜挺身渡河為平氏邏騎獲戰死行家繼進不利戰且走保矢矧川使人為役夫狀西行遇西兵

問鎌倉援兵來否對曰前軍及菊河後軍及見附重衡大恐而退行家使人馳徇美濃尾張曰平氏走矣不射之者我敵也二國人爭起要擊西軍狼狽而去行家欲遂入京師請援於山徒山徒不應奔歸於賴朝先是平宗盛令陸奧藤原氏攻賴朝藤原氏不聽又令越後城氏攻義仲城氏聽之六月城資永發兵萬餘入信濃義仲設三伏擊殺其九千人九月平通盛等亦來攻亦逆擊之越前大敗之壽永元年城長茂以四萬騎來攻義仲有見

兵三千。以源光基策。分爲七隊。張赤旗。迎之。敵以爲平氏黨也。及漸近。仆赤旗。樹白旗。急迫之。敵軍驚潰。長茂被創走。北陸豪傑悉附義仲。武田信光欲以其女妻義仲子義高。義仲曰。娶爲妾耳。信光怒。搆義仲於賴朝。曰。義仲數捷。張於北國。平宗盛嘗養其兄女。欲以妻義仲。與連和共東。賴朝大怒。會行家來鎌倉。請邑自給。賴朝曰。吾取十州。義仲取五州。公亦盍自取。行家愠。以千餘騎去。歸義仲。賴朝益怒。二年三月。親將十萬騎。入信濃。義仲集

將士議。樋口兼光。今并兼平。欲壁于富部。拒之。義仲曰。世皆言源氏相肉。今又舍深仇之平氏。而與同宗交兵。若人笑何。乃引兵避之。越後。賴朝亦引兵還。使使言。義仲曰。平氏罪惡貫盈。朝廷命我宗討之。當日夜赴命。而十郎私構兵圖我子。乃庇之。舍西向東。何也。子苟無他心。則請速逐十郎。否則得養貴息爲子。二者不聽。則將以八州之卒。與子相見。義仲將小室忠兼勸聽其請。兼平曰。君聞大藏之事乎。佐公豈終釋然於君哉。不若蚤絕之。義

仲從忠兼言。遣義高爲質。四月。平氏以十餘萬騎東伐。先擊義仲。義仲乃遣其將仁科幸弘等拒之于燧城。瀦日野河爲壕。西兵不能進。我新附將齊明者。通款平氏。決水導兵。城輒陷。西兵乘勝連陷諸城。五月。西將平盛俊進至般若野。義仲在越後國府。遣今井兼平。馳先奪寒原之險。擊破盛俊。西軍退陣于志雄礪匝二山。礪匝山南有栗殼谷。深數千仞。義仲發國府。行收兵。得五萬騎。閱兵于六動寺。自向礪匝山。謂樋口兼光等曰。彼衆我寡。彼

舍山東下。就平地戰。非我利也。我先陣山東麓。敵必下巔而陣。我一軍則遶出山西。驅敵于南谷中。可一舉而鏖也。諸將皆曰善。乃分萬人屬兼光等。而自將三萬人。進至東麓。益旗幟。蔽林而軍。平氏望見之。果下巔。陣于山腹。兩軍射戰終日。而兼光等已在敵背。日暮。萬人鼓噪突出。義仲麾兵而上。夾擊西軍。西軍大駭潰走。陷南谷。死者幾二萬人。谷爲填塞。平氏將帥。僅以身免。收散兵。保佐良嶽。初。義仲使行家別將兵向志雄山。戰不利。義仲赴

日本外史 卷之二
一 賴氏正本
援西軍不戰而走。六月，追走陣于小楯林，相持未戰。西兵獲我芻者，問曰：北軍何謀？曰：謀夜襲。西兵怖走，爭渡安宅渡。弱者千餘，既渡，截橋而陣。義仲至渡頭，濁流方漲，試放馬十匹，水及馬腹，全軍從之，終大破之。乘勝追走，進至越前，獲齊明及齋藤實盛等。平氏既連為義仲所破，走歸京師。義仲進至近江，使其史覺明牒誘山徒。七月，濟湖軍于叡山。平宗盛大恐，舉族挾乘輿西奔，獨賴盛其母嘗德於賴朝。賴朝間通書招之，且欲報其臣宗清，故

不從奔。法皇避平氏之叡山，義仲與行家帥北兵六萬，分路入京師。京師人相告曰：不圖今日復見白旗也。

日本外史卷之二終

